



Broj: 02-1301/14
Vareš, 16.10. 2014. godine

Na osnovu Uredbe o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom broj 1446/2014 godine, usvojene od Vlade Federacije BiH, objavljene u „Službenim novinama Federacije BiH“, broj 66/14 od 15.08.2014. godine i Odluka o utvrđivanju kriterija dodjele i usmjeravanja sredstava nastradalima područjima broj: 01-14-9/14 od 04.09.2014. godine donesene od strane Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine – Upravnog odbora , Općinski načelnik Općine Vareš, donosi

ODLUKU

o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće

I

Ovom Odlukom određuju se uslovi i kriteriji za dodjelu sredstava porodicama čiji su stambeni objekti oštećeni ili uništeni usljed prirodne nesreće, koja su dodijeljena Općini Vareš od Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine, Odlukom broj 01-14-9/14 od 04.09.2014. godine u ukupnom iznosu od 31.954,09 KM

II

Ovu Odluku primjenjivat će Općina Vareš , nadležni općinski organ (komisija za provođenje postupka dodjele sredstava porodicama čiji su stambeni objekti oštećeni ili uništeni usljed prirodne nesreće), na osnovu koje će sačiniti listu prioriteta za dodjelu navedenih sredstava, a nakon provedene konkursne procedure i izbora korisnika. Pojedinačni iznos novčane pomoći u obnovi oštećenih ili uništenih objekata, koja će se dodijeliti korisniku određuje se na način da se ukupan iznos sredstava namijenjenih za raspodjelu dijeli sa ukupnim brojem bodova korisnika , koji ispunjavanju uvjete javnog konkursa, čime se dobiva vrijednost jednog boda, a zatim se vrijednost jednog boda množi sa brojem bodova , koji je ostvario svaki učesnik konkursa, odnosno podnosilac zahtjeva koji ispunjava uslove konkursa.

III

Za dodjelu sredstava porodicama čiji su stambeni objekti oštećeni ili uništeni usljed prirodne nesreće, podnosioci zahtjeva moraju ispunjavati **opće uslove** iz Uredbe o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom broj 1446/14 koju je usvojila Vlada Federacije BiH, a to su:

1. Da je državljanin Bosne i Hercegovine
 2. Da je u vrijeme prirodne nesreće proglašene Odlukom o proglašenju stanja prirodne nesreće na području Federacije BiH uzrokovane obilnim kišnim padavinama, koje su prouzrokovale poplave na području Federacije BiH („Službene novine Federacije BiH“, broj 37/14), imao imovinu na teritoriji Općine Vareš, odnosno bio vlasnik stambene jedinice zahvaćene prirodnom nesrećom.
 3. Da mu je odlukom nadležne komisije utvrđen nastanak štete na stambenoj zgradi i da je šteta prouzrokovana prirodnom nesrećom iz tačke 2.
- Opći uslovi se ne boduju, ali moraju biti kumulativno ispunjeni

Komisija će bodovati lične prilike podnosioca zahtjeva na sljedeći način:

4. Korisnici
 - 4.1. koji nisu do sada dobili nikakva sredstva za obnovu i izgradnju stambenih jedinica boduju se sa 10 bodova
 - 4.2. korisnici koji su do sada dobili iznos za obnovu i izgradnju stambenih jedinica do 3.000,00 KM boduju se sa 6 bodova
 - 4.3. korisnici koji su do sada dobili iznos za obnovu i izgradnju stambenih objekata preko 3.000,00 KM boduju se sa 3 boda
5. Novačana primanja domaćinstva (svih članova sa kućne liste) i to u tri kategorije:
 - 5.1. Novčana primanja do 350,00 KM po domaćinstvu boduju se sa 3 boda,
 - 5.2. Novčana primanja od 350,00-800,00 KM po domaćinstvu boduju se sa 2 boda
 - 5.3. Novčana primanja preko 800,00 KM po domaćinstvu boduju se sa 1 bod
6. Porodice sa maloljetnom djecom-boduju se sa 2 boda po maloljetnom djetetu do 18 godina života,
7. Bolesne članove porodice koji imaju procjenu nadležne ljekarske komisije o tjelesnom oštećenju organizma od 80% i više na osnovu čega su evidentirani u Centar za socijalni rad Vareš-boduju se po 2 boda po bolesnom članu porodice,
8. RVI koji imaju utvrđeno tjelesno oštećenje organizma od 80% i više –boduju se po 2 boda,
9. Korisnike stalne socijalne pomoći –boduju se po 2 boda po članu porodice koji je korisnik stalne socijalne pomoći,

IV

Pravo na dodjelu sredstava ne može ostvariti više od jedne osobe iz pripadajućeg domaćinstva.

Ako zgrada ima više suvlasnika i više domaćinstava, pravo na pomoć po ovom Konkursu mogu ostvariti suvlasnici koji dokažu da su u vrijeme prirodne nesreće stanovali u uništenoj ili oštećenoj stambenoj zgradi. (izjava suvlasnika ovjerena kod matičara ili notara)

V

Nakon izbora korisnika sredstva po ovoj odluci, direktor Fonda, načelnik Općine i korisnici sredstva potpisat će ugovor o utrošku sredstava dobijenih za sanaciju i izgradnju stambenih objekata izabranih korisnika.

VI

Ova Odluka stupa na snagu danom donošenja.

DOSTAVLJENO:

1 x Komisija-ovdje
1x Oglasna ploča,
1x a/a.

OPĆINSKI NAČELNIK

Kovačević Avdija, dipl. pravnik

Obrazloženje

Odluke o kriterijima za dodjelu sredstava porodicama čiji su stambeni objekti oštećeni ili uništeni usljed prirodne nesreće

Pravni osnov

Pravni osnov za donošenje ove Odluke je Uredba o kriterijima za dodjelu sredstava za otklanjanje posljedica prirodne nesreće i obnovu područja zahvaćenih prirodnom nesrećom („Službene novine Federacije BiH“ 66/14) i Odluka o utvrđivanju kriterija dodjele i usmjeravanja sredstava nastradalim područjima broj: 01-14-9/14 od 04.09.2014. donesene od strane Federalnog fonda za pomoć nastradalim područjima od prirodne nesreće.

Razlog za donošenje

Sredstva su već doznačena na račun Općine Vareš, i članom 3. tripartitnog ugovora o načinu korištenja novčanih sredstava Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine je predviđeno da se sredstva dodijeljuju u skladu sa kriterijima–prioritetima usvojenim od strane Općinskog vijeća.

S obzirom na hitnost provođenja Odluke o utvrđivanju kriterija dodjele i usmjeravanja sredstava nastradalim područjima broj. 01-14-9/14 od 04.09.2014. godine donesne od Federalnog fonda za pomoć nastradalim područjima od prirodne nesreće, Općinski načelnik je 16.10.2014.godine donio Odluku o kriterijima za dodjelu sredstva porodicama čiji su stambeni objekti oštećeni ili uništeni usljed prirodne nepogode, broj: 02-1301/14, jer obaveza je svih nivoa vlasti pa tako i Općine da što hitnije postupaju u ovim stvarima, a radi bržeg i efikasnijeg otklanjanja štetnih posljedica elementarne nepogode. Napominjemo da ukoliko se ova sredstva ne utroše na dogovarajući način i u dogledno vrijeme ne poduzmu sve aktivnosti oko njihovog valjanog usmjeravanja krajnjim korisnicima ista se moraju vratiti na račun Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine.

Finansijska sredstva

Za provođenje ove Odluke Općini Vareš su doznačena sredstva Federalnog fonda za pomoć nastradalim područjima od prirodne nesreće u iznosu od 31.954,09 KM.

**PREDLAGAČ
OPĆINSKI NAČELNIK**

Kovačević Avdija, dipl.pravnik